

9. In septima Synodo, quæ est Nicæna secunda, Act. 1. Præsentibus Petro Archiepiscopo Romano...

10. Octava Synodus, quæ est quarta Constantinopolitana, præmittit act. 1. Donatum & Stephanum Episcopos...

11. Obiter in prædictis observa, nomen Archiepiscopi pluribus sæculis non fuisse attributum Metropolitanis unius provincie...

12. Observa pariter in Occidentalibus Conciliis, salvo jure Legatorum Apostolicorum, qui nomine contradicente supra quoscunque præfuderunt...

13. Eusebius Casariensis qui Nicæna in Synodo confedit, lib. 3. vitæ Constantini, eum, qui primam sedem occupabat a dextro latere, orationem habuisse...

14. Certe Osium, Vitum seu Victorem, & Vincetium simul præfeditæ, perspicuum ac exploratum est, tum ex testificatione Athanasii, epist. ad Solitar...

15. Cardinalis Baronius aliter Nicænorum Patrum confesum disponit, cujus potior in hac parte mihi videtur sententia, utpotè insequentium Conciliorum ordinis & usui conformior...

16. Ad hæc in sexta Synodo, actione 1. refertur sedisse seorsum Constantinum, dictum Pogonatium, Augustum, cum Patriciis & Consulibus...

VICARIORUM ROMANI

Pontificis differentia.

I. Romani Pontificis Vicariorum multiplex discrimen fuit. Quidam enim dicebantur legati a latere, quidam Cognitores, seu Commissarii...

jubente Pelagio prædecessore. Post Legatos a Latere, post Cognitores, post Apocriarios, quartum & nobilissimum Vicariorum Apostolicorum genus constituiebant Primates.

2. Primatibus tamquam Vicariis supremæ Sedis conferebatur a Summo Pontifice potestas & jurisdictionis supra plures Metropolitanos, & his subiectos Episcopos. Ita S. Leo Papa epist. 84. Anastasium Thessalonices Episcopum Vicarium suum creat in multis Europæ provinciis ad Orientem vergentibus...

3. In veteribus Conciliis, antequam, Justiniano Augusto postulante, Vigilius Papa Vicariam Thessalonice ablatam transfuisset Acridum Bulgariæ urbem, quæ Justiniano patria natalis fuit, quamque ille de se Justinianam primam dici voluit, subscribit Thessalonicensis Episcopum inter primos, post Patriarchas, Episcopos, ut superiori capite commotratum fuit...

4. Deinde Hormidas epistol. ad Salustium Hispanis Episcopum confuit ipsum Apostolicum per omnem Bœticam & Lusitaniam Vicarium suum. Idemque Remigio Rhemenis Episcopo eandem confert potestatem per universam Clodovæi ditionem, quem vocat ibi Ludovicum Francorum Regem...

5. Canonici juris professores Legatorum Pontificiorum tres species distinguunt cum glossa cap. 1. & cap. excommunicatis, de officio Legat. in 6. ut sint alii dicti a Latere, alii Legati nati, alii missi sive Nuncii Apostolici...

DE LOCO SYNODI NICÆNÆ

aliarumque nonnullarum insequentium.

I. V eterum Orientis Conciliorum quædam conveniunt in ædibus Imperialibus: atque in primis istud Nicænum in Aula Palatii Constantiniani, ut fidem facit Eusebius lib. 3. vitæ Constantini, cap. 12. Sexta pariter Synodus, sub Constantino Pogonati Imperio, Cabassuti, Notitia Ecclesiastica.

in ea Regiæ parte quæ Trullus dicebatur. Quo eodem loco Synodus Quinifexta coacta legitur, sub Justiniano secundo, in Occidente quoque Constantiniani Magni sollicitudine, Causa Cæciliani Carthaginensis & Donatistarum, in Concilio Romano, præside Melchiade Pontifice, dijudicata fuit intra Imperiales ædes...

2. Cetera per Orientem Synodi intra sacras Basilicas coactæ fuerunt. Constantinopolitana quidem, quæ numeratur inter œcumenicas secunda, convenit intra Oratorium Sanctorum martyrum Pantaleonis & Marini: qui sacer locus ex tunc ipsorum id est Concordia nominatus est...

SYMBOLUM NICÆNI

Concilii.

I Stud referunt Athanasius tract. de fide ad Jovianum Augustum, Rufinus, Socrates, Theodoretus prout hic subjicio: Credimus in unum Deum Patrem omnipotentem, omnium visibilium & invisibilium factorem...

AD NICÆNOS CANONES

primum & secundum.

1. Can. I. Si quis a medicis propter languorem desectus est, aut a barbaris abscissus, hic in Clero permaneat. Si quis autem seipsum sanus abscidit, hunc etiam in Clero constitutum abstinere convenit...

2. Refertur quoque in Decreto, c. si quis a medicis, dist. 55. Ili canoni occasione fortassis Leontius Presbyter dedit, qui, ut scribit Athanasius Apolog. de fuga sua, in fin. Socrates lib. 2. cap. 21. Theodoretus lib. 2. cap. 24. postulatus inhonestè aut suspectè cum Eustolia juvenula consuetudinis, iussuque ab Antiochæno Præsule Eustathio ut desisteret cum ea conversari...